



საქართველოს ოკუპირებული
ტერიტორიებიდან დევნილთა,
შრომის, ჯანმრთელობისა და
სოციალური დაცვის სამინისტრო

შრომის პირობების ინსპექტირების დეპარტამენტი
ერთად შევქმნათ უსაფრთხო სამუშაო გარემო!

ახალი კორონავირუსით (SARS-CoV-2) გამოწვეულ ინფექციასთან (COVID-19) დაკავშირებული ზოგადი რეკომენდაციები საცალო და საბითუმო ვაჭრობა

ძირითადი რეკომენდაციები დამსაქმებლის მიმართ:

- სამუშაოს დაწყების წინ გააკონტროლოს პერსონალის ჯანმრთელობის მდგომარეობა ტემპერატურის გაზომვით(დისტანციური მზომი ხელსაწყოს მეშვეობით).ტემპერატურული კონტროლი ასევე უნდა განხორციელდეს მომხმარებლებთან მიმართებაშიც.
- შეზღუდოს მომხმარებლების და ფართო საზოგადოების დაშვება ობიექტებზე. დააწესოს კონტროლი და შეიმუშავოს შესაბამისი სქემა მომხმარებელთა ნაკადის ეტაპობრივ დაშვებაზე. ობიექტის ყოველ 5 კვადრატულ მეტრზე მხოლოდ 1 ადამიანი უნდა იმყოფებოდეს (თანამშრომლების ჩათვლით).
- თანამშრომლები/მომხმარებლები უზრუნველყავით კოლექტიური დაცვის საშუალებებით:
 - დეზობარიერი - შესასვლელში, მოსასვენებელი/სასადილო ფართის წინ;
 - დამცავი გამჭვირვალე ბარიერები - თანამშრომლების მესამე პირებთან ურთიერთობის შემთხვევაში.
- არ დაუშვით სამუშაო სივრცეში პირი, რომელიც არ არის აღჭურვილი სათანადო ინდივიდუალური დაცვის საშუალებებით (შესაძლებელია როგორც პირდაპირი აკრძალვა, ასევე ობიექტის მიერ სათანადო ინდ. დაცვის საშუალებებით უზრუნველყოფა):
 - პირბადე;
 - ხელთათმანი;
 - საჭიროების შემთხვევაში - სახის დამცავი ფარი;
- დასაქმებულებს და სხვა პირებს მიეწოდოთ ინფორმაცია ვირუსთან დაკავშირებული ყველა საკითხისა და პრევენციული ღონისძიებების შესახებ (შესაძლებელია აუდიო ვიდეო სისტემის მეშვეობით):
 - განთავსდეს ყველასათვის თვალსაჩინო ადგილას ორგანიზაციის მიერ გასატარებელი პრევენციული ღონისძიებების გეგმა;
 - განთავსდეს თვალსაჩინო ადგილას სადეზინფექციო სამუშაოების ჩატარების პერიოდულობის შესახებ ინფორმაცია;
 - განთავსდეს ჰიგიენური საშუალებებით დაცვის ღონისძიებების შესახებ სრულყოფილი ინფორმაცია სათანადო ადგილას, მათ შორის ხელის დაბანის, ნიღბის, ბახილების და ხელთათმანის მორგების, ტარების და მოცილების წესები;
- უზრუნველყავით სამუშაო სივრცეში ზედაპირების დასუფთავება/დეზინფექცია სათანადო წესით, (ყოველ 3 საათში ერთელ) - ასევე ყველა იმ ზედაპირის დამუშავება, რომელთანაც შეხება უწევს დასაქმებულს/მომხმარებელს (მათ შორის კარის სახელოურები, საკასო აპარატები, კომპიუტერის კლავიატურა, მაუსი, კალკულატორი და ა.შ.)
- დაიცავით დისტანცია (მინ. 2 მეტრი) დასაქმებულებს და მომხმარებლებს შორის;
- შეიმუშავეთ უსაფრთხოების გეგმა, როგორც ვირუსის აღმოჩენამდე, ასევე ვურუსის აღმოჩენის შემთხვევაში;
- ობიექტზე უზრუნველყავით დასაქმებულთა/ ვიზიტორთა მიერ გამოყენებული ერთჯერადი ხელსახოცებისა თუ სხვა გამოყენებული ჰიგიენური ნარჩენებისთვის დახურული კონტეინერების განთავსება, რომელშიც ჩაფენილი იქნება ერთჯერადი პლასტიკური პაკეტი. ნარჩენების პარკის ამოღება და განკარგვა მოხდეს ერთჯერადი ხელთათმანების გამოყენებით. კომპანია ვალდებულია უზრუნველყოს ასეთი ნარჩენების დროული გატანა შესაბამისი პირის/სამსახურის მიერ.

დამსაქმებლის მიერ განსახორციელებელი ღონისძიებები ვირუსის აღმოჩენამდე:

- გააკონტროლეთ დასაქმებულთა ჯანმრთელობის მდგომარეობა სამუშაოს დაწყებამდე;
- მიაწოდეთ ინფორმაცია ყველა თანამშრომელს უსაფრთხო მუშაობის პროცედურებისა და ვირუსის გავრცელების პრევენციის შესახებ;
- პერიოდულად, დღეში რამდენჯერმე უზრუნველყავით დახურული სივრცეების/ სათავსების ბუნებრივი ვენტილაცია და სამუშაო ადგილების სველი წესით დასუფთავება;

- ჩაატარეთ დეზინფექცია სამუშაო სივრცეში და სხვა დამხმარე სათავსებში სამუშაოს დასრულების შემდგომ, არაუმცირეს ყოველდღიურად;
- მუშაობის მიმდინარეობისას, სამუშაო დროის განმავლობაში დაწესეთ სანიტარული შესვენებები;
- შეეცადეთ შეამციროთ ნაღდი ფულის გამოყენება თქვენს ობიექტზე;
- თვალსაჩინო ადგილას განათავსეთ ხელის ჰიგიენური საშუალებები და მათი სწორად მოხმარების წესები;
- უზრუნველყავით დასაქმებულთა წვდომა ხელის ჰიგიენურ საშუალებებთან;
- უზრუნველყავით გამოყენებული ჰიგიენური საშუალებების განათავსება დახურულ კონტეინერებში და მისი სათანადო წესით უტილიზაცია;
- ვიზიტორთა შორის დისტანციის დასაცავად გამოიყენოს სავალდებულო პირობითი ნიშნები (იატაკზე შესაბამისი სტიკერების/ნახაზების სახით);



დასაქმებულთა ვალდებულებები:

ხელის ჰიგიენის რეგულარულად და საფუძვლიანად შესრულება წარმოადგენს უმეტესი ვირუსისგან თავის დაცვის საუკეთესო საშუალებას.

შესაბამისად, აუცილებელია სამუშაო ადგილზე განახორციელოთ შემდეგი ღონისძიებები:

- დაიცავით ჰიგიენის წესები თქვენს სამუშაო ადგილზე;
- სამუშაო პროცესი განახორციელეთ დამსაქმებლის/შრომის უსაფრთხოების მენეჯერის მიერ განსაზღვრული საგანგებო სიტუაციებში სამოქმედო გეგმის შესაბამისად;
- მისალმებისას არ ჩამოართვათ ხელი ერთმანეთს და მოერიდეთ სხვებთან კონტაქტს (შეხებას და სხვა);
- მოერიდეთ თავშეყრას, დაიცავით რეკომენდაცია უსაფრთხო დისტანციის დაცვით (არანაკლებ 2 მ-სა);
- სამუშაოების შესრულებისას გამოიყენეთ სრულად ის ინდივიდუალური დაცვის საშუალებები, რომელსაც გაწვდით დამსაქმებელი;
- სამუშაოს დაწყებისა და დამთავრებისას სადეზინფექციო საშუალებებით დაასუფთავეთ სამუშაო ადგილები და ის ხელსაწყოები, რომელსაც იყენებთ სამუშაო პროცესის მიმდინარეობისას;
- გამოიყენეთ სპირტის შემცველი ხელის საწმენდი საშუალებები იმ შემთხვევაში, თუ ვერ ახერხებთ ხელების დაბანას და გაშრობას. გახსოვდეთ, რომ ხელების დაბანა საპნითა და წყლით არის უპირატესი;
- დახველების და დაცემინების დროს მიიფარეთ სუფთა ხელსახოცი ან იდაყვი. გამოყენებული ერთჯერადი ხელსახოცი კი გადააგდეთ ურნაში;
- მოერიდეთ ხელებით თვალებზე, ცხვირზე და პირზე შეხებას. მუშაობის პერიოდში მჭიდროდ დაიმაგრეთ თმა, რათა მაქსიმალურად შეიზღუდოს თმისა და სახის შეხება.

დამატებითი ინფორმაციისთვის დაგვიკავშირდით:

☎ 15 05

☎ 116 001